

Manmin nga mga Balita

NO. 32 HULYO 7, 2013

“Hesus, Ang Ngalan nga Gipataas”

Sa 2013 Crystal Music Festival nga Gipasiugdahan sa Crystal Forum sa Israel



Ang mga pagdayeg nga puno sa emosyon ni lanog daplin sa Sea of Galilee nga maoy hinungdan nga ang tingog sa Ginoo ni bagting sa dunggan sa mga nanan-aw didto sa Israel, lugar natawhan ni Hesus. Ang kining maong pundok gitambungan duolan sa 1,700 ka mga tawo nga nahibaw-an sa tibuk kalibutan pinaagi sa pag sibya sa kahanginan. (Taas sa wala, Praise-leder, Rose Han; tuo, Glory Worship Dance Team)

Mayo 17, 2013, Crystal Forum, ang Israeli Pastor's Association, naghimo sa 2013 Crystal Music Festival didto sa dakong wanang duol sa Sea of Galilee. Nipadayag kini sa gininhawa sa Diyos.

Gibanabana sa 1,700 ka mga tawo ang nanambong gikan sa U.S., Russia, Belarus, Germany, Switzerland og Israel. Live-broadcast sa tibuk kalibutan pinaagi sa TBN Russia. Matinguhaon kaayo silang nagdayeg sa atong Ginoong Hesus didto sa dakong wanang og pampublikong lugar, kini nagpamatuud nga sila nakaton og nag magahumon ang Crystal Forum didto sa Israel human sa 3-katuig nga pagpangalagad ni Dr. Jaerock Lee.

Sa Israel, gamay ra kaayo ang mga kristohanon samtang ang kadaghanan nila naa sa Judaism nga mao ang 'monotheistic'. Ang balaod sa Israel mo ila sa kagawasan sa tinuohan, apan ang mga Hudeyo dili mo dawat sa kristiyanismo. Ang mga 'Messianic Jews' nga nagtoo ni Ginoong Hesus, naanad nalang nga gawas o walay labot sa katilingban og ang Kristiyanos nga mga pastor nag-antos sa persekusyon og kalisdanan sa penansyal.

Sa 12 ka higayon sa iyang pagbisita sa

Israel sulod sa 3-katuig (2007-2009), si Senyor Pastor Dr. Jaerock Lee niwali sa pagka balaan sa ebanghelyo og nipakita sa gamhanang lihok nga nagpamatuud sa iyang pulong. Sa pagsaksi sa gahum ni Dr. Lee, nabati sa mga pastor ang probidensya sa Diyos alang sa Israel og ang Crystal Forum gitukod niadtong 2008. Ang organisasyon nipukaw sa mga tawo sa Israel.

Septembre 2009, naghimo sila sa Israel United Crusade uban si Dr. Jearock Lee, og iyang gi-proklama nga si Hesus lang ang atong Manluluwas og gisibya kini 220 ka mga nasod.

Sugod ato, ang Crystal Forum nag makusganon sa ilang pag pangalagad sa daghan nga paagi sama sa Seminar for Couples, Youth Camps, og Music Festivals. Og hilabi na gyud na ang mga simbahan sa mga pastor na bag-o sugod nga ang dagkong kalihukan sa paghinulsol og ang kaayuhang lihok ni hikyad pinaagi sa 'handkerchief of power' nga inampoan ni Dr. Lee (Buhat 19:11-12). Nagtubo ang ilang pagtoo samtang maminaw sa mga sermon ni Dr. Lee matag adlaw pinaagi sa TBN Russia, CNL, Holy God TV, Rodney



TV, og internet.

Ang 2013 Crystal Music Festival gihimo sa nagkalain-laing porma og mga paagi sa mga partisipanteng nangapil sa maong kalihukan sama sa mga praise-leader sa Ashdod, Haifa, Nazareth, og Tel Aviv; African praise team; Oxamita sa Ukraine; ang iladong praise-singer Gerasim og Valely Korov sa Russia; og Alexander Patlis nga maoy leder sa 'New Jerusalem', ang bantogan nga praise-team sa Belarus.

Ang Vice President sa Manmin Central Church's Performing Arts Committee og Praise Leader, Rose Han, uban ang Glory Worship Dance Team gihangyo nga paapilon og gipakpakan pag-ayo diha sa pag sugod pa lang og usab sa pag tapos sa maong kalihukan. Daghan sa mga

nanambong ni abiba sa ilang pasundayag sa tumang kalipay. Niingon sila nga ang grupo sa Manmin maoy pinaka maayong grupo sa maong kalihukan og ilang gi dayeg si Rose Han, ang praise-leader, sa iyang insaktong paglitok sa Hebrew og Russian. Ang uban niingon sad nga, "ang ilang nindot nga gipang sul-ob og mga props maoy nakapa-imagine nako sa Langit". Kining kalihukana usa ka independent-programming, nga gisibya pinaagi sa TBN Russia.

Ang mga nagdumala niingon nga nabati nila ang kulba-hinam sa pag dayeg sa Ginoong Hesus didto sa daplin sa Sea og Galilee uban ang katawhan. Niingon sad sila nga kini bunga sa pagpangalagad ni Dr. Lee sa Israel.



Senyor Pastor Dr. Jaerock Lee

Gugmang Mapailubon

“Ang gugma mapailubon og maluluy-on. Dili kini masinahon o tipegambog” (1 Corinto 13:4).

Ang tawo nga sapoton kasagaran makahimo og daghang sayop tungod dili makapailob. Ang ubang Kristiyanos dili mapailubon. Mao nga dili sila makahulat uban ang pagtoo. Sama pananglitan, madismaya kon gamay ra ang kausaban nila bisan sila nagpuasa og matinguhaong nag-ampo aron mailabay ang mga sala og daotan. O, kapuyon kon walay mahitabo bisan sila naghatag og mga halad og pag ampo aron maka dawat og tubag.

Aron makab-ot ang espirituwal nga gugma nga nahisulat sa 1 Corinto 13 og aron usab makadawat sa atong mga pag-ampo, atong gikinahanglan ang pailob. Og dinha atong maangkon ang nindot nga mga bunga.

1. Unsa ang gugmang mapailubon?

Sa 1 Corinto 13:4 og sa unahan ini, kini naghisgot sa 15 ka hiyas sa espirituwal nga gugma. Ang una nag-ingon, “Ang gugma mapailubon”. Unsa may espirituwal nga pasabot ini? Kini nagpasabot nga kita mag mapailubon sa tanang kalisud nga moabot nato samtang magasulay sa pag higugma sa uban og mahigugmaong magpailob sa atong kaugalingon.

Atong ingnon nga naay nasina nimo og nagdumot nimo bisan wala kay gihimong daotan ngadto niya. Tingali imo siyang likayan og dili ka gustong makakita niya. Kon maminaw ka sa Pulong sa Diyos nga nag-ingon higugmaa bisan ang imong kaaway, tingali mo konsiderar ka sa paghigugma niya apan naay kabalaka. Aron maangkon ang espirituwal nga gugma kinahanglan nga ikaw mo pailob og mo higugma bisan sa ingon ini nga sitwasyon. Bisang pag patakaan ka og sulti og kalagutan, imo gyung kontrolahon ang imong dughan og imo siyang higugmaon uban ang pailob.

Ang gugmang mapauban og mo lungtad sa tanang kalisdanan nga moabot nato kon mo sulay ta sa pagsunod sa Pulong sa Diyos mao ang “gugmang mapailubon”. Apan ang pailob diha sa Love Chapter naglakip sa kina gamyang konsepto sa gugma kaysa gugma nga giingon diha sa ‘nine-fruit og the Holy Spirit’. Ang pailob nga usa diha sa ‘nine-fruit of the Holy Spirit’ mao ang pag pailob sa tanang butang sa tanang panghitabo para sa gingharian sa Diyos og sa iyang pagkamatarong samtang ang pailob diha sa Love Chapter mahimo sa

matag usa isip pailob alang sa paghigugma ngadto sa uban.

2. Ang gahum sa gugmang mapailubon

Mabasa sa Mateo 5:44, “Apan sultihan ko kamo, higugmaa ang imong mga kaaway og iampo ang mga nagpasipala kamo”. Dinhi, ‘mga kaaway’ nagpasabot sa mga tawo nga naghimo og dakong kadaot nimo nga maoy hinungdan sa imong lawum nga kalagot batok niya. Si Hesus nianhi sa kalibutan para sa mga makasala nihigugma sa mga kaaway og nag-ampo adtong nagbiaybiay Niya. Apan ang katawhan nitamay og nagpakaulaw Niya nga naghimo lang para sa ilang kaayohan. Bisang pa, si Hesus nangamuyo gihapon sa Diyos para nila, “Amahan, pasayloa sila; kay wala sila masayod sa ilang gibuhar” (Lucas 22:34).

Si Hesus naghigugma sa katawhan uban ang pailob bisan og sila nahimong kaaway sa Diyos. Nisangpot nga ang kahibulongang lihok sa kaluwasan nahitabo. Kinsa katong nitoo sa Ginoo og nidawat niya isip Manluluwas makalingkawas sa poder sa kaaway nga demonyo og mahimong anak sa Diyos. Gamhanan kaayo ang gugmang mapailubon.

Hangtod kanus-a ka mag mapailubon? Maka hatag kaba og gugmang mapailubon niadtong nipasakit nimo og sulti bisan walay hinungdan og nagdumot nimo? O, naglisod kaba og antos bisan sa imong asawa, bana, mga anak, og igsoon sa pagtoo bisan sila dili mga kaaway?

Sa Mateo 5:39-40 mabasa, “Apan sultihan ko kamo; ayaw balosi ang nagbuhat ninyo og daotan. Kon sagpaon ang imong tuong aping; ipa sagpa usab ang wala. Kon may mo kiha nimo aron mailog niya ang imong sapot pang ilawum, ihatag sad niya hasta ang sapot pang imabaw”. Unsa ka makauulaw kon manguha ka sa dili imong bisti! Ang bersikulo nag mando nato nga pa pun-an ang gugma og gugma.

Karon, daghang tawo dili mo buot nga sila maibutang sa piligro o bisan gani makahimo lang og gamay nga kadaot para nila o sa ilang posisyon. Mo kiha dayon kini. Bisang og ang kadaot hinimo lang sa iyang kaugalingong asawa, bana, ginikanan o mga anak, ang uban mo pahamtong dayon og silot batok nila. Kon magpabilin ang pailob niadtong naghimo og kadaot nimo, ang ubang tawo moingon nga

nabuang ka. Bisang pa, mohimo ba diay sad ta sa mga butang nga gipang himo sa mga kalibutanhong tawo? Dili gyud ta mo sunod. Magpabilin tang mapailubon og naghimo sa maayo.

Naay moingon, “Unsaon man nako pag pailob kon nasakitan ko og nasuko?” Apan ato kining mahimo kon naa tay espirituwal nga pagtoo og gugma. Kini tungod kay naa tay gugma og pagtoo gikan sa Diyos Amahan nga nagmalahutayon para sa mga makasala og nipasaylo kanila bisan ilang gisakit ang Iyang bugtong Anak. Kon ikaw motoo nga makadawat sa samang gugma gikan sa Diyos, mahimo kang makapasaylo niadtong naghimo og dakong kadaot nimo. Mahimo natong higugmaon ang tanan, kon atong gihigugma ang Ginoo nga mangihatagong naghatag sa Iyang kinabuhi.

3. Aron makab-ot ang espirituwal nga pailob

Ang ubang tawo mo pugos sa ilang kaugalingon aron sa pag wagtang sa kalagot, inis sa ulo, og bati nga balatian, apan mobuto kon sila mapuno na og nahutdan sa pailob. Ang uban maka angkon og emotional-disorders tungod sa kasuko nga wala mapa gawas tungod sa pagka mangiulawon nga personalidad.

Apan ang klase sa pailob nga gusto sa Diyos mao ang pag baton niini hangtod sa katapusan nga dili mausab. Pailob nga mo hangtod, dili mausab og tinuod gyud nga ‘pailob’. Dili ang pag pundok og kasilag, og ang dili pagka komportable sa dughan, apan ang paglabay sa punoang ugat og mausab ngadto sa kaluoy og gugma. Kining klaseha sa pailob maoy tinuod nga espirituwal nga pailob.

Dili lisod ang paghigugma bisan ngadto sa mga kaaway kon walay daotan nga nagpabilin dinhi nato og kon kita puno sa espirituwal nga gugma. Dili ta makig away og ang tanan nindot tan-awon bisan usahay dili ta makasabot sa ilang gipangbuhat. Dili ta masuko sa uban tungod kay sila lahi o kon sila nasilag nato.

Tugbang niana, kon dunay mga bakak dinhi nato sama sa kasilag, panag lalis, kasina og kasuko, atong makita ang sayop sa uban og maglagot dayon ta nila kon sila dili mo uyon nato bisan sila tinuod nga mga maayong tawo. Og kon ikaw maayo sa pag pamakak, maghunahuna ka sad nga nanghambog ang

uban bisan kini nag sulti sa tinuod.

Unya, kapila man ta mo pailob sa mga naghimog daotan? Si Pedro nangutana ni Hesus, “Ginoo kon ang akong igsoon kanunay makasala nako, hangtod kapila ko man siya pasayloon? Kapito ba? Si Hesus mitubag ‘dili kay kapito ra, apan kapitoon ka pito’” (Mateo 18:21-22).

Dinhi, ‘ka pito’ mao ang numero nga simbolo sa pagka hingpit, kini nagpasabot nga mo pasaylo ka gyud sa hingpit. Walay kinutubang pasaylo og gugma. Tinuod dili sayon ang pag usab sa kasilag ngadto sa pag higugma, sa usa lang ka gabii. Apan imo gyung sulayon ang pag higugma sa walay pag hunong. Bisang naa kay sakit nga nabati og mga kasuko, imo gyud nang pugngan og sulayan ang pag palayas niini. Unya, kini mausab ngadto sa matuud og ang espirituwal nga gugma motubo diha nimo.

Ang natural nga pagka makasala sa imong dughan mahimong ikalabay kon ikaw mag ampo pag-ayo diha sa kapuno sa Espiritu Santo. Magkugi gyud ka og tan-aw nila uban ang gugma og imo silang ayohon. Kung imo ning buhaton, ang imong kasilag mawala og mahimo kang mo higugma sa uban. Kung wala nay daotang balatian og wala kana masilag, imong mabati ang tumang kalipay nga mura ka og naa sa Langit. Kay imo mang nailabay ang tanang bakak og napuno ka sa kaayuhan og gugma, dili kana kinahanglan nga magpailob apan mahimo kang mo higugma sa tanan.

Ang tawong maayo og walay daotan mapailubon. Kon ilang gikinahanglan ang pailob ngadto sa isig ka tawo, wala na nila kinahanglana ang pagsulay sa pagpailob, apan makahulat nalang sila hangtod moabot ang kausaban sa ilang isig katawo. Naghunahuna ka ba nga nagkinahanglan og pailob didto sa Langit? Gugma og kaayo ang naa sa Langit. Didto walay luha, kasakit, kagulan og walay daotan. Walay angayang kasilagan og kasukan. Apan ang Diyos nipasabot nga ang ‘gugma mapailubon’ aron ang katawhan makasabot pag-ayo sa gugma.

Mga kaigsoonan, ako nag-ampo sa ngalan sa Ginoo nga sa tanang matang sa daotan ikaw magmalahutayon sa pag palayas. Maangkon unta nimo ang gugma og makapaabot ka sa uban bisan unsa pa sila ka daotan.

Ang Pag-angkon sa Pagtuo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipyat.
2. “Manmin Central Church” nagatuo sa panaghiusa’ng lihok sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasalanan pinaagi lamang sa dugo ni Hesu Kristo.
4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtuo diha sa “The Apostles’ Creed”, sila nagatuo sa unod sa mga pulong nahisulat niini. “Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25). “Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

Manmin nga mga Balita
Published by Manmin Central Church

Bisayan

235-3 Guro-3dong, Guro-gu, Seoul, Korea (postal code 152-848)
Tel: 82-2-818-7047 Fax: 82-2-818-7048
http://www.manmin.org/english / www.manminnews.com
E-mail: manminministry@hotmail.com
Publisher: Dr. Jaerock Lee
Managing Editor: Geumsun Vin

Unsa Gidaghanon ang Pagkamaayo nga akong Patuboon ngari Nako?

Ang Diyos Kahayag og diha Niya wala gyuy kangitngit. Gusto Niya nga ang Iyang mga anak magpuyo gyud usab sa Kahayag. Kini tungod kay makahimo kitang makaangkon sa awtoridad nga maka paalibwag sa kangitngit og makadawat sa gugma og mga panalangin gikan sa Diyos aron atong mapalayas ang mga sala og maka tuman sa mga kaayuhan. Sa pagpamalandong sa mosunod nga mga pangutana, imong ma tan-aw kon unsa gidaghanon ang pagkamaayo nga naa nimo og giunsa nimo pagpuyo diha sa kahayag.

Q

“Naanad ba ko nga mo hatag o mo dawat?”

Sa Buhat 20:35 mabasa, “...ang paghinumdum sa giingon sa Ginoong Hesus ‘labaw nga bulahan ang paghatag kaysa pagdawat’”. Ang mga butang nga atong ‘gihatag’ o ‘gidawat’ apil na diha ang matinud anong binuhatan nga nagkinahanglan sa panahon og pagkugi apil na ang kwarta.

Ingnon ta nga naay mga tawong nakadawat og tabang penansyal gikan sa simbahan. Ang uban nila naka dumala og tarong sa ilang kristohanong kinabuhi, perming nagpasalamat, nagpakitag lihok sa pagpasalamat, og nitabang sad gani adtong nagkinahanglan aron sa pagbalos sa grasya nga ilang nadawat. Sa laing bahin, naay uban magpakitag pasalamat, apan sa ilang kaugalingon wala magbuhat sa maayo nga diin mao ang ilang napahimuslan. Nahibalo sila nga ang pagtabang sa mga kabus maoy usa ka binuhatan nga maayo apan nagsalig sila nga ang ubang tawo ang mohimo ini, sila mismo sa ilang kaugalingon dili mo buhat sa ingon. Naa say uban nga matinud anong mohimo og mo boluntaryo pa gani aron sa pag bayad sa grasya, apan mo hunong sila sa tunga tunga. Ilang makalimtan ang tinguha sa pag balos sa grasya kon magkuwang ang pag sabot-sabot ngadto sa relasyon sa uban.

Atong hatagan og lain pang eksampol; kon ang grupo naay miting. Ang uban moabot og sayo sa miting, mag andam og

mo tabang sa mga preparasyon. Kon moabot ang sitwasyn nga dili sila maka sayo og dili maka tabang sa preparasyon, maulaw sila og maningkamot nga dili na mausab. Apan ang uban perming madugay sa mga miting. Bisan sayo sila, dili dayon mopakita aron dili makatabang sa mga preparasyon. Naanad nalang silang modawat og binipisyo gikan sa hinagoan sa uban.

Nia say laing hitabo. Ang uban ninyo malingaw nga mo tabang sa mga pobre og mo hatag og mga pahalipay, og gusto nga mo silbi sa uban bisan wala gikinahanglan. Bisan pa, kon dili mapasalamatan, ang ubang tawo mo ingon nga walay batasan og moingon nga arogante. Kon ingon ani ikaw nagpasabot nga ang imong serbisyo naay kantidad. Ang Diyos dili motoo nga ang maong binuhatan ‘maayo’.

Ang pagka maayo o ang dughan sa espiritu nga gikan sa Diyos makahatag dayon sa uban kon unsa ang ilang gusto o makapalipay nila. Ang Diyos dili mo hunong sa paghatag bisan siya nakahatag na, apan Iyang gitinguha nga maka sigi og hatag kanunay kon unsa ang maayo para nato. Malipay sad unta ta sa pagsigi og panghatag kaysa pag sigi og dawat, sama sa gibuhay sa Diyos, nga wala mag hunahuna, ‘naka silbi nako og sakto na to!’.

Q

“Nisabot ba ko sa uban og ako bang gibutang ang akong kaugalingon sa ilang dapit?”

Daghang mga kristohanon mo hangyo sa Diyos nga tugutan sila nga makakab-ot sa pagkamaayo sama sa dughang matinabangon o mahibalang mo sakripisyo. Apan sa tinuod, kulang sila sa pagsabot o sa pag dawat niadtog naay mga batasan nga wala mo takdo sa ilang gidahum.

Pananglitan, ang trabahante sa simbahan nag trabaho uban nimo apan mo pauli siya samtang nga trabaho. Karon, kung imo siyang ayohon og sabot kay tingali naa siyay rason, dili ka mabalaka. Mag trabaho ka lang og minaayo aron mahuman ang trabaho og tarong.

Apan ang ubang tawo maghunahuna, ‘Bisi sad ko og naay daghang buluhaton. Wala ni niya planoha sa layo pa? kinahanglan ba gyud siya nga mo pauli na?’ O, kon dili ang uban mo husga dayon sa pag ingon nga hakog gyud to siya. O, maghunahuna sila nga pailisan ang panahon nga ni palta siya sa trabaho. Og dinhi ang ilang mga pag boluntaryong trabaho dili na humot og dili na makapahimuot sa Diyos. Kini mahitabo ngadto nila tungod kay sila wala mag alima sa pulong nga kaayuhan diha sa ilang mga dughan og wala mamundo ini isip

kahibalo.

Kon imong gamiton ang sukdanan sa pagkamaayo ngadto sa uban, apan dili nimo gamiton sa imong kaugalingon, mahitabo nga ikaw magtoo nga maayo ka og matarong. Magtoo ka nga imong nahimo ang pagka maayo tungod kay naghatag ka og dakong higayon nga magtrabaho para sa gingharian sa Diyos bisan bisi ka. Unya, unsa man kon ikaw pahimangnoan kon mo pauli ka og sayo tunga tunga sa imong buluhaton? Tingali masakitan ka nga mag hunahuna, ‘Kinahanglan ba diay nga iya kong sultian og ingon ana? Naulaw naman gani kong mo biya og sayo. Magpasalamat nalang unta siya nako kay nagtrabaho ko og dugay’. Tingali nasakitan ka og maghunahuna nga sakto ka.

Kon ato lang hunahunaon ang atong kaugalingong panabot og binipisyo, dili nato maangkon ang espirituwal nga pagka maayo. Ang tawo nga maayo perming maghunahuna sa kahimtang sa uban. Nianang paagiha dili nato pilion ang sayon og nindot nga dalan para nato, apan atong pangitaon ang paagi nga maoy makalipay og luag para sa uban og mahimong tinubdan sa himaya sa Diyos.

Q

“Unsaon man nako pagsilbi sa nakataas nako og posisyon uban ang order sa sistema?”

Ang ubang tawo dili kinasingkasing mo silbi sa ilang dako og dili motuman sa sistema. Kon ang ubos nila og posisyon dili magtarong og silbi, dili sila ma komportable og moingon nga ‘wala sila motuman sa order sa mga butang’! tungod kay naa siyay pagka arogante dili sila ma komportabl sa mga tawong dili mo silbi nila bisan unta kini angayan nga mo silbi.

Atong ingnon nga naay proyekto sa inyong opisina. Ang ubos nimo og rango naghimo og report ngadto sa inyong dako nga wala mangonsulta nimo. Tingali dili ka komportabl og maghunahuna, ‘nganong wala siya mo pahibaw nako? Nganong wala siya mangutana sa akong opinyon?’ Apan ang tawong naghunahuna og sama ana kasagaran wala mismo mo sunod sa order. Kon ang nakataas og posisyon mo sugo gani, og kon dili gani kini mosibo sa ilang dughan, mo reklamo dayon sila og makabati dayon sa tanang mga kasamok sa hunahuna.

Ang kada organisasyon og grupo naay kaugalingong

pamaagi og ang matag usa naay taga nga trabahoon. Bisan pa, dili manag parehas ang mga sitwasyn: diin ilang gikinahanglang sabton ang ilang kauban, og naay panahon nga ilang gikinahanglan nga insaktoon ang mga sayop sa minaayo nga paagi aron masunod sa insaktoon ang mga pamaagi.

Unsa may angayan nga buhaton aron mailhan ang mga hitabo nga sama ani og aron makapahimuot sa Diyos sa tanang panahon? Atong ilabay ang tinguha nga maka pamintaha sa uban, aron maoy tahoron og silbihan, og aron makadawat sa pasidungog. Kinahanglan sad ilabay ang pagka alig aligon. Og dinha atong ma ilhan ang hitabo nga nagkinahanglan sa atong pagsabot og sa atong pagpa taliwala og aron ang tanan ma bansay sa pagsunod kanunay sa sistema og mga panaagi. Og maalamon usab kitang maka bantay sa mga hitabo kon angayan ba nga motuman nalang ta sa nakataas nato og posisyon, o kon ato bang gikinahanglang dawaton ang mga opinyon sa ubos nato og posisyon og mohimo og mga sugyot ngadto sa dako.

Pastor Tariq Mashi
(CCCI Simbahan sa Pakistan)

Pastor ko sa simbahan sa Karachi nga nahisakop sa CCCI (Christ's Commission Church International) sa Pakistan.

Sugod Abril 5-15, 2013, ang CCCI nagpasiuna sa Pastor's Seminar og Miracle Healing Crusade dinhi sa Pakistan uban ni Pastor Taesik Gil, nga maoy nangalagad sa Daejeon Manmin Church sa United Holiness Church of Jesus Christ, Korea.

Sa katapusang 11-katuig, si Pastor Gil naghimo og mga seminar og krusada, nag-ampo para sa mga masakiton gamit ang panyo sa gahum nga inampoan ni Dr. Jaerock Lee (Buhat 19:11-12), og nag-ayo sa mga katawhan sa ilang mga sakit pinaagi sa pag-ampo. Pinaagi ini, daghang katawhan ang nahiduol sa Ginoo. Mao nga ilado kaayo siya sa Pakistan.

Ining maong mission-trip, si Pastor Gil mo wali sa Pastors' Seminars og Miracle Healing Crusades sa Lahore, Sheikhpura, Multan, og Karachi. Nahitabo ang spiritual – awakening og daghang divine-healing ang nahitabo nga nag himaya sa Diyos.

Dugay na kong luya og dili makabarog bisan 30 minutos. Apan si Mrs. Primrose Samson, Chairperson sa CCCI, ni salig nako sa pag publisar og pag andam sa preparasyon para sa Morning United Crusade para sa simbahan sa Karachi. Iya tong konsiderasyon alang sa akong kaayuhan og sa paghimaya sa Diyos pinaagi sa akong pagpakita og pagtoo og pagpahimut sa Diyos.

Sinugdanan sa 2013, permi kong

‘Naayo ko sa hepatitis C pinaagi sa pag ampo sa panyo’



Pastor Tariq Mashi (wala) og ang iyang pamilya

gihilantan og magsakit ang akong tibuok lawas. Marso 7, 2013 giingon nga naa koy hepatitis C. Ang taga hospital niingon nga naa koy ‘injection’ kada duha ka adlaw sulod sa 8 ka buwan. Human sa kada injection mag antos ko sa taas nga hilanat og dili ko maka barog sa higdaanan nga ang akong tibuok lawas sakit kaayo. Ako sad mabati nga bug-at ang akong dughan. Ang sintoma niabot og buwan nga dili na nako maantos ang sakit.

Abril 8 sa buntag, akong gitawagan si Mrs. Samson og akong giingnan

nga akong ipa hunong ang injection og gusto kong maayo pinaagi sa pagtoo. Iya kong gitambagan, giampoan og ang akong pamilya niuyon sa akong disisyon. Unya, iyang gisalig nako ang pag areglo sa krusada og iya kong gitabangan nga maka dawat sa tubag sumala sa akong gipahayag.

Pag Abril 11, sa gabii, ang akong pamilya, miyembro sa simbahan og ako nangadto sa Jinnah International Airport Karachi aron mo sugat ni Pastor Gil kay siya man ang speaker sa Pastor's Seminar

og Miracle Healing Crusades. Anang panahona wala koy kusog og dili ko maka alsa sa iyang mga bagahe.

Pag 1:00 sa buntag, Abril 12, 2013, si Mrs. Primrose nakig esturya ni Pastor Gil mahitungod sa akong sakit nga Hepatitis C. Iya kong giampoan sa panyo sa gahum nga gibutang sa akong ulo.

Unya, katingalahan kaayo nga pag uli nako nakatulog ko og nindot kaayo. Pag mata nako presko ang akong pamati ang tanang mga sakit nanga wala. Maka dagan nako sa hagdanan paingon sa taas. Halleluyah!

Pag Domingo, Abril 14, 2013, ang Morning-Crusade para sa mga simbahan sa Karachi gihimo ubos sa pagpasiuna sa CCCI sa Baptist Bible Church nga gipangalagaran ni Pastor Khurram Gill. Si Pastor Gil nagwali taliwala sa daghang tawo. Daghang kaayong tawo nga napuno ang santuwaryo og mga kilid sa simbahan. Daghang pa ganing namauli kay wala nay lugar.

Human sa pagwali, nag-ampo siya para sa mga masakiton didto sa intablado. Daghang ang nangaayo og naghimaya sa Diyos. Ako sad nga nadawat ang pag-ampo uban ang pagtoo og na lagsik pa gani ko. Sa mapasalamatong kasingkasing, ang akong pamilya nihatud ni Pastor Gil sa ‘airport’ sa dihang ni biya na siya sa Pakistan.

Karon, ang ‘anemia’ nga maoy hinungdan sa hepatitis C nawala og ang akong nawong piskay nang tan-awon. Makakaon nako og tarong og nagka lagsik na. Nangalagad kong malipayon. Akong pasalamat og himayaon ang Diyos nga niayo nako og nanalangin.

‘Ang mga panalangin nibaha sa dihang akong gipamiyaan ang mga kalibutanhong butang nga walay mga pulus og akong nakita ang Ginoo’

Igsoon Seongje Shin (12-grader)

Sa dihang naa ko sa 7-grader, nahimo kong skilled-wrestler nga naay talagsaong abilidad og nailado human nga akong nadawat ang ganti sa *Seoul Wrestling Competition* og ang *National Wrestling Contest*. Nagsimba nako adtong mga panahona, apan mo kuyog gihapon sa mga amigo og nagsigi pa gihapon sa mga kalibutanhong butang og hinay hinay’ng nagpalayo sa kristohanong kinabuhi og sa akong pagtoo.

Marso 2010, ni sulod ko sa high-school. Naglisod ko og pakibagay sa palibut nga lahi ra kaayo kay sa middle-school og ang pamaagi sa kinabuhi sulod sa dormitoryo sa tunghaan. Nisangpot nga ni palta ko sa eskuwelahan og 3-ka bulan human sa pagsugod. Pag Hulyo 2013, nitambong ko og Mini Divine Healing Crusade ni Dr. Jaerock Lee para sa mga estudyante human sa Sunday Evening Service.

Ni awahag siya sa mga estudyante nga dili magpa mantsa sa kalibutan nga puno sa mga sala og daotan, apan hinoon mo higugma sa Diyos, magdako nga maayo, magkugi sa kristohanong kinabuhi og maningkamot pagtoon. Iya sad nga gipasabot namo og tarog nga naa gyuy Langit og Impeyerno og dili gyud ta maghimo sa mga butag nga maoy maka pa empeyerno nato.

Natandog kaayo ko sa iyang mga pulong. Ang hunahuna niabot. “Dili

na gyud ko magpakabuhi pa sama sa una”. Ni disisyon ko nga mag bag-o. Pagka human, akong gikasilagan ang kinabuhi sa dormitoryo nga puno sa bisyo, inom, sigarilyo og mga kalingawan. Wala nako makigkita sa akong uyab og nag planong magpakabuhi nga magsunod lang sa Ginoo. Aron makalikay sa kinabuhi sa dormitoryo ni balhin ko og ‘judo’.

Marso 2011, ni balhin ko ngadto sa Deokil Electronic Engineering High School nga naay iyang kaugalingong grupo sa ‘judo’. Sugod ato kugihan na kaayo kong mag praktis, magtoon og maayo nasad ang akong kristohanong kinabuhi. Isip ‘10-grader’ nag-una ko sa eskuwelahan og nakadawat og ‘scholarship’. Ang pag praktis og judo lisod para nako kay ang akong lawas naanad sa paagi sa risling, apan akong gipaningkamotan uban ang pailob.

Marso 2013, sa katapusan ni daog ko sa ‘77kg class’ sa 29th Seoul Judo Association Presidential Competition og napili nga presidente sa eskuwelahan. Pag Mayo 2013, sa himaya sa Diyos nakadawat ko og Good Conduct Award og scholarship sa Seoul Southern Area District Attorney's Office.

Akong pasalamat ang Ginoo nga naghatag nako sa mga panalangin og nag giya nako nga magpakabuhi sa Kahayag isip anak sa Diyos.



Mga Sangay ng Ministryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Patato St, J-Figuera Sampaloc, Manila, Pilipinas Pastor Peter Bae Pastor Lucy Lee 2-735-1423	067 Daang Bago, Dinalupihan, Bataan, Pilipinas Pastor Peter Bae 0910-262-5465	Purok 3, Brgy, San Roque, San Mateo, Isabela, Pilipinas Pastor Peter Bae Pastor Lucy Lee 0905-649-1120	5 Lot 33 Bk 1, Canutuhan (tenant), Santiago Gen. Trias, Cavite, Pilipinas Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Pilipinas Pastor Jubeom Kim 0927-311-7633	LOT N. 402 - B-4 Looc Along Side The Canjularo Road, Lapu-Lapu City Cebu, Pilipinas Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Pilipinas Pastor Kathryn Kim 0908-635-2714